

KROBO N̄MAYEM / N̄MAAYELI

N̄mayem afi le ji nikpamɔ afi ko ni ayeɔ ye Dan̄me shikpɔji babaoɔ anɔ tamɔ Shai, Manya k.n.k.n. N̄mayem shishi ji n̄maa hee yeli. Ejaake n̄maa ji Dan̄memem̄i aniyenii titri ni no hewɔ le edumɔ ke ekpamɔ tsɔɔ GaDan̄me afi bei le kanemɔ.

NIBII NI AFED YE N̄MAAYEMI AFI LE MLI

Abladei Agɔn̄ Sramɔ: Ajeɔ N̄mayem shishi ke abladei agɔn̄ sramɔ. Man̄tsem̄i ke Asafoiatsem̄i yayeɔ n̄kpai ye Abladei le asai le anɔ. Afeɔ ene kekaɔ abladei ni eshi ke tee hiimeji abɔɔ le mli loo egboi le. Yei ke am̄he wooo neke kusum nee feemɔ mli. Keji Asafoiatsem̄i le ke man̄tsem̄i le tee gɔn̄ ni am̄eku am̄esee kem̄iiba le man̄bii le bakpeɔ am̄e ni no le hii ke yei fee fataa he keyakpeɔ onukpai le. Afeɔ ene ke oshebɔɔ ke lalai ni yei le fɔɔ mamai ke bleoi ke tsei abaji. No mli n̄n̄n̄ le Asafoiatsem̄e le hu joo ni am̄ebɔɔ n̄srai.

Kro Gɔn̄ le Nɔ Sramɔ: Nɔni nyie Abladei agɔn̄ sramɔ le see ji ake afaagbe keyasraa Kro goji le anɔ. Leebi hie pampam le wulɔmɔ ke man̄tse feɔ kusum kegbeleɔ gɔn̄ le naa ye kɔkɔ mli loo ye teemɔ mli. No see le mɔ fee mɔ nyee eyaa gɔn̄ le nɔ yakweɔ nɔni yaa nɔ ye jei. Tse agbeleɔ gɔn̄ le n̄yaa mra mon̄ ne, shi mei titri yaa gɔn̄ le nɔ shwane mli. Keji aakpleke shi kem̄iije gɔn̄ le nɔ kem̄iiba le. Ajoo ni ajie hietsere aahu keboteɔ dun̄ mli tɔɔ.

Gwabɔɔ Wulu le: Ajeɔ gwabɔɔ le shishi kejeɔ Sohaa kem̄ɔ Hɔɔ, ni man̄tsem̄i ni yoo man̄ le mli le fee bataa shi, ni wulɔmɔ le jaa n̄maa ehaa am̄e fee. Ajoo kusum joi srɔtoi ni kui srɔtoi laa Klama lalai tamɔ Dipo yei le neke ke woyei le. No see le man̄tse nukpa ni ji Kono le wieɔ etsɔɔ man̄bii. Ni ke agbe gwabɔɔ le naa le atereɔ man̄tsem̄i le keyaa am̄ewei amli ke joo ke miish̄ee.

This Article was Translated into Ga by Nii Adjetey Adjei of Obonu Tv

www.TheGaDangme.com

www.facebook.com/TheGaDangme

www.youtube.com/TheGaDangme